

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA SREBRENİK  
Općinski načelnik

Broj: 07-213/17

Datum, 23.02.2017.god.

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine FBiH", broj: 34/03 i 65/13), člana 2. Uredbe o vršenju ovlaštenja organa Tuzlanskog kantona i općina na području Tuzlanskog kantona u privrednim društvima sa učešćem državnog kapitala ("Službene novine TK", broj: 11/05), i člana 3. Odluke o uslovima i kriterijima i postupku imenovanja u Regulirane organe ("Službeni glasnik općine Srebrenik", broj: 1/13), načelnik općine Srebrenik o b j a v l j u j e:

### **JAVNI OGLAS**

za izbor i imenovanje jednog člana Nadzornog odbora JP Vodovod i kanalizacija  
"SREBRENİK" d.d. Srebrenik

Objavljuje se Javni oglas za izbor kandidata za imenovanje jednog člana Nadzornog odbora JP Vodovod i kanalizacija "SREBRENİK" d.d. Srebrenik, iz reda osnivača - Općina Srebrenik.

Mandat na koji se vrši izbor kandidata traje do isteka redovnog mandata ostalim članovima Nadzornog odbora, odnosno do marta 2019. godine.

#### **I – OPIS POZICIJE**

Nadzorni odbor JP Vodovod i kanalizacija "SREBRENİK" d.d. Srebrenik nadležan je da :

- nadzire rad uprave i poslovanje preduzeća,
- priprema poslovničke i etički kodeks i predlaže ih skupštini na usvajanje,
- vrši izbor kandidata odbora za reviziju i podnosi prijedlog skupštini za njegovo imenovanje,
- razmatra provedebni propis za postupak nabavke i nadzire njegovo provođenje,
- daje mišljenje skupštini o prijedlogu uprave za raspodjelu profita i predlaže način pokrivanja gubitaka,
- imenuje i razrješava članove uprave u skladu sa postupcima utvrđenim u poslovniku društva te važećim propisima,
- daje ovlaštenja za aktivnosti koje su ograničene Zakonom o javnim preduzećima,
- daje upute članovima uprave za provođenje uviđaja u vezi sa uočenim nepravilnostima,
- podnosi skupštini godišnji izvještaj o poslovanju preduzeća, koji obavezno uključuje izvještaj revizora, izvještaj o radu nadzornog odbora, odbora za reviziju i plan poslovanja za narednu godinu u okviru postojećeg i revidiranog plana,
- usvaja izvještaj uprave o poslovanju po polugodišnjem i godišnjem obračunu sa bilansom stanja i bilansom uspjeha i izvještajem revizije,
- vrši i druge poslove utvrđene zakonskim propisima i Statutom preduzeća.

Nadzorni odbor JP Vodovod i kanalizacija "SREBRENİK" d.d. Srebrenik broji 5 (pet) članova, od kojih su tri člana predstavnici državnog kapitala (predstavnici osnivača - Općina Srebrenik), a dva člana predstavnici privatnog kapitala.

Konačni izbor članova Nadzornog odbora vrši Skupština ovog Javnog preduzeća.

Izabrani Nadzorni odbor bira predsjednika iz reda svojih članova.

Predsjednik Nadzornog odbora saziva i rukovodi sjednicama Nadzornog odbora, stara se o pripremi materijala za sjednicu Nadzornog odbora i o izvršenju akata Nadzornog odbora i obaveza prema Općini Srebrenik, te obavlja i druge poslove utvrđene zakonom, pravilima i drugim aktima preduzeća.

Član Nadzornog odbora prisustvuje sjednicama Nadzornog odbora, učestvuje u radu i donošenju odluka Nadzornog odbora, te obavlja i druge poslove utvrđene zakonom, pravilima i drugim aktima preduzeća.

Mandat predsjednika i članova Nadzornog odbora je četiri godine uz mogućnost ponovnog imenovanja.

Konačno izabrana lica u Nadzorni odbor imat će pravo na naknadu za rad u reguliranom organu, a u skladu sa važećim propisima.

## II - USLOVI ZA IMENOVANJE

Kandidati koji apliciraju za poziciju iz tačke I. ovog oglasa moraju ispunjavati sljedeće opće i posebne uslove kako slijedi:

### A – OPĆI USLOVI:

1. da su državljani Bosne i Hercegovine,
2. da su stariji od 18 godina, a ne stariji od 65 godina,
3. da nisu osuđivani za krivično djelo i za privredni prestup nespojiv s dužnošću u nadzornom odboru, pet godina od dana pravosnažnosti presude, isključujući vrijeme zatvorske kazne,
4. da im nije pravosnažnom presudom suda zabranjeno obavljanje aktivnosti u nadležnosti nadzornog odbora,
5. da nisu otpušteni iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljivanja oglasa,
6. da se na njih na odnosi član IX. 1. Ustava Bosne i Hercegovine.
7. da nisu izabrani zvaničnici, nosioci izvršnih funkcija ili savjetnici u smislu Zakona o sukobu interesa u organima vlasti u Federaciji Bosne i Hercegovine i Zakona o sukobu interesa u institucijama vlasti Bosne i Hercegovine,

### B – POSEBNI USLOVI:

1. da imaju završenu srednju, višu ili visoku stručnu spremu,
2. da imaju najmanje jednu godinu iskustva u struci,
3. da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine,
4. da nemaju privatni interes u ustanovi u kojoj se kandidiraju u smislu člana 2. Zakona o ministarskim, vladinim i drugim imenovanjima u Federaciji Bosne i Hercegovine,
5. da ne obavljaju posao odnosno ne vrše dužnost, koja po posebnom zakonu ili drugom propisu predstavlja smetnju za imenovanje na poziciju u reguliranom organu i
6. da nisu članovi upravog/nadzornog odbora u više od jednom reguliranom organu.

## C- NEOBAVEZNI USLOVI

Kandidati koji apliciraju za poziciju iz ovog Oglasa prilažu i certifikat o završenom usavršavanju predsjednika i članova nadzornih odbora i uprava privrednih društava sa učešćem državnog kapitala, u skladu sa Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala („Sl.novine F BiH“ br: 71/09, 33/10, 23/11, 83/11, 2/13, 80/13 i 48/15).

Ukoliko kandidat ne posjeduje certifikat iz prethodnog stava, a u slučaju da bude imenovan na poziciju člana ili predsjednika Nadzornog odbora, dužan je u roku od godinu dana od dana imenovanja završiti usavršavanje, te o istom dostaviti navedeni certifikat.

## III – POTREBNA DOKUMENTA

Pismene prijave sa kraćom biografijom kandidata treba da sadrže adresu stana, kontakt telefon, te dokaze koji se prilažu uz prijavu na javni oglas u originalu ili ovjerenoj fotokopiji i to:

- uvjerenje o državljanstvu (ne starije od 6 mjeseci),
- izvod iz matične knjige rođenih (ne starije od 6 mjeseci),
- dokaz o stručnoj spremi,
- dokaz o radnom iskustvu,
- ovjerenu izjavu o ispunjavanju uslova navedenih pod tačkom A pod rednim brojem 3 do 7, te B pod rednim brojevima 3 do 6.

## IV – DODATNA POJAŠNJENJA

Javni oglas će biti objavljen u “Službenim novinama FBiH”, jednom od dnevnih listova koji izlaze na teritoriji BiH, te na Web stranici općine Srebrenik, a bit će otvoren 15 dana od dana objavljivanja, računajući od dana posljednjeg objavljivanja.

Prijave sa potrebnom dokumentacijom mogu se dostaviti lično putem pisarnice općine Srebrenik ili preporučenom poštom u zatvorenim kovertama na sljedeću adresu: Općina Srebrenik, Ul. Varoških polja, 75350 Srebrenik (sa naznakom: “Prijava na Javni oglas za izbor u Nadzorni odbor JP Vodovod i kanalizacija “SREBRENİK” d.d. Srebrenik – ne otvarati”).

Sve prijave koje stignu u propisanom roku pregledat će Komisija za izbor imenovana od strane Općinskog načelnika. Komisija za izbor poziva na intervju sve kandidate koji su ušli u uži izbor, nakon čega sačinjava rang listu kandidata koji ispunjavanju uslove i kriterije za imenovanje, koju dostavlja Općinskom načelniku. Na osnovu prijedloga Općinskog načelnika konačan izbor članova Nadzornog odbora ovog Javnog preduzeća vrši Skupština dioničara JP Vodovod i kanalizacija “SREBRENİK” d.d. Srebrenik .

Podnosioci prijava sa kojima se ne stupi u kontakt u roku od 10 dana od isteka roka za podnošenje prijava, neće biti uzeti u razmatranje u daljem postupku kandidovanja.

Bilo koji kandidat ili bilo koja druga osoba ima pravo podnijeti prigovor na konačno imenovanje, ako smatra da se u procesu imenovanja nisu ispoštovali principi utvrđeni zakonom.

Prigovor se podnosi istovremeno Općinskom načelniku i nadležnom Ombudsmenu za ljudska prava Federacije BiH (kopija prigovora).

Neblagovremene i nepotpune prijave neće se razmatrati.

OPĆINSKI NAČELNIK

Dr.sci.Nihad Omerović